



MINNEAPOLIS
PUBLIC SCHOOLS

Urban Education. Global Citizens.

Hmong International Academy
1501 30th Ave North
Minneapolis, MN 55411
Phone: 612-668-2250
Fax: 612-668-2260
Hia.mpls.k12.mn.us

Jamil Payton
Principal

Nyob Zoo Txog Cov Niam Txiv Hauv HIA,

Hnub Sunday, March 15, Tus Tswv Saib Lub Lav MN Governor Walz tau tso cai thiab xaj tus neeg saib xyuas tag nrho cov tsev kawm ntawv hauv lub Lav MN kom nws hais kom txhua txhua lub tsev kawm ntawv nyob hauv lub lav MN yuav tsum tau muab kaw xuaj qhaus kom qhov kev kawm ntawv thiaj li tsis muaj kev phom sij thaum muaj tus kab mob hu ua COVID-19 no thoob plaws hauv ntiaj teb. Qhov es Tus Tswv Saib Lub Lav MN Governor Walz tau xaj nrees yog, txhua txhua lub tsev kawm ntawv nyob hauv lub lav MN yuav tsum tau kaw 8 hnub es yog pib kaw tsis pub dhau hnub Vas Phuv, Lub Peb Hlis Hnub tim 18 mus txog rau lub Peb Hlis Tim 27.

Yog li peb thiaj li yuav tsum tau ua raws li hais, ces cov tsev kawm ntawv hauv Minneapolis Public Schools yuav kaw pib hnub Vas as qhas los yog Tuesday, Lub 3 hlis tim 17. Qhov kaw no yuav kaw mus txog ntua rau lub Peb Hlis Tim 27. Thiab kom koj nco ntsoov tias Minneapolis Public Schools yuav muaj Spring Break pib thaum lub Peb Hlis Tim 27 mus txog lub Plaub hlis tim 6. Cov menyuam kawm ntawv nyob hauv HIA thiab cov kawm hauv Minneapolis Public Schools yuav rov tuaj kawm ntawv thaum lub Plaub hlis hnub tim 6.

Yuav kom koj paub txog cov xov xwm es qhia tshiaj txhua txhua hnub txog tus kab mob COVID-19 thiab seb MPS cov kev tiv thaiv ho zoo li cas ces koj nkag mus saib hauv cov chaw hauv qab no:

- Minneapolis Public Schools website: <https://mpls.k12.mn.us/>
- Minneapolis Public Schools Health Services Information website: <https://health.mpls.k12.mn.us/>
- Hmong International Academy website: <https://hia.mpls.k12.mn.us/>
- Minnesota Department of Health website: <https://www.health.state.mn.us/>
- City of Minneapolis website: <http://www.ci.minneapolis.mn.us/>

Thaum cov menyuam yuav tawm hauv tsev kawm ntawv es yog pib thaum March 17, lub chav saib kev kawm ntawv hu ua Teaching and Learning Department yuav muab kev cob qhia rau cov xib fwb kom cov xib fwb paub tias cov kev kawm dabtsi es yuav muab rau cov menyuam nqa los kawm tom tsev thaum lawv tsis tuaj kawm ntawv 8 hnub ua cov tsev kawm ntawv hauv Minneapolis Public Schools kaw tag lawm. Cov ntaub ntawv qhia yog cov hauv qab no (Cov ntaub ntawv information qhia no yeej muaj nyob rau hauv HIA qhov website thiab):

Cov tub ntxhais kawm ntawv nyob qib Kindergarten- 5th yuav tsum nqa cov no los tsev nrog lawv:

- Lawv daim npav Clever Badge (kom nkag tau rau Benchmark thiab Dreambox)

- Lawv tus user name (MPS email) thiab password
- Tej phau ntawv rau lawv nyeem
- Lawv phau ntawv lej lawv kawm tam sim no
- Cov ntawv nyeem hu ua Current Shared (K-2) los yog Close Readers (3-5) los ntawm Benchmark
- Nqa tej co ntawv es lawv ua tsis tiav tom tsev kawm ntawv es muab koj los ua tom tsev.
- Cov niam thiab txiv kuj nkag tau mus rau hauv Distance Learning kom koj thiaj li paub txog tej yam kev pab rau cov menyuam tseem kawm qib yau.
https://mpls.k12.mn.us/elementary_resources_2

Cov tub ntxhais kawm ntawv nyob qib 6th – 8th yuav tsum nqa cov no los tsev nrog lawv:

- Lawv tus user name (MPS email) thiab password
- Ntawv nyeem, ntawv ua, cov ntawv work book, thiab daim ntawv qhia hu ua worksheets/to-do list kom lawv paub tias lawv yuav ua dabtsi thaum tsev kawm ntawv kaw dhau vas thib 27th.
- Tej phau ntawv es lawv nyeem tau
- Nqa tej co ntawv es lawv ua tsis tiav tom tsev kawm ntawv es muab koj los ua tom tsev.
- Cov niam thiab txiv kuj nkag tau mus rau hauv Distance Learning kom koj thiaj li paub txog tej yam kev pab rau cov menyuam kawm middle school.
https://mpls.k12.mn.us/secondary_resources

Tej yam qhia ntxiv thiab:

- Peb mam li npaj ib co chaw email rau koj kom koj thiaj tiv tauj tau rau koj tus menyuam tus xib fwb, HIA tus social workers thiab cov thawj tswj lub tsev kawm ntawv yog tias koj xav nrog peb tham.
- Minneapolis Public Schools kuj yuav muaj su thiab khoom txom ncauj rau tej lub tsev kawm ntawv rau menyuam noj thaum lub sij hawm 10am-2pm.
 - HIA yog ib qho chaw rau xaiv kom muaj su rau menyuam noj. Lwm lub chaw yog pem Olson, Jenny Lind, Henry, Cityview, Hall, thiab Bethune
 - Cov su thiab cov khoom txom ncauj no tsuas yog muab pub rau cov muaj hnuv nyoog 19 xyoos thiab qis tshaj xwb.
- Yuav muaj ib cov hnab hu ua Sheridan Story bags yuav muab faib rau cov tsev neeg rau hnuv Tuesday thiab.

Thov nco ntsoov tias qhov nyob nyab xeeb ntawm koj thiab koj tus menyuam yog qhov tseem ceeb tshaj plaws thiab lub tuav tsev saib xyuas kev mob nkeeg hu ua Minnesota Department of Health thiaj li qhia cov ntsiab lus hauv qab no kom koj thiaj li tiv thaiv tau thiab tsis txhob sib kis txog tus kab mob COVID-19:

1. Yog hais tias koj mob, ces nyob tsev
2. Yog hais tias koj nyob ze thiab nrog kiag ib tug neeg ua muaj tus mob COVID, koj yuav tsum mus nyob ib leeg li 2 lub asthiv, nyob twj ywm hauv tsev
3. Yog hais tias koj yog ib tug neeg tu ib tug neeg laus es muaj mob, nyob twj ywm hauv tsev
4. Yog hais tias koj yog ib tug neeg es muaj mob zoo zoo los yog ib tug neeg laus laus, nyob twj ywm hauv tsev.
5. Xyaum tu yus tus kheej kom huv si
6. Qhia rau koj tus nai saib xyuas hauj lwm ua ntej yog tias koj qhaj hauj lwm, los yog mus ua tsis taus hauj lwm vim yog kom muaj mob. Yuav tau ua raws nraim li nej ib txwm ua thaum kaw lus qhia txog qhov koj qhaj hauj lwm.

Yog nej ib tug thaj khu nyob hauv lub tsev kawm ntawv Hmong International Academy, kuv ntseeg tias peb lub tsev kawm ntawv thiab lub tsev kawm ntawv hauv paus loj sawv daws yeej ua qhov zoo rau tag nrho peb cov menyuam. Thov kom nej nyab xeeb tias peb cov xib fwb yuav siv sij hawm los npaj kom muaj cov ntawv rau koj tus menyuam kawm thaum nyob tom vaj tom tsev yog tias tsev kawm ntawv ho kaw tom qab Spring Break. Peb yuav muaj kev qhia cov xov xwm tshiab ua ntu zus kom peb cov tsev neeg thiaj li paub txog tej yam es tshwm sim thiab cuam tshuam rau MPS, cov menyuam kawm ntawv, cov tsev neeg thiab cov neeg ua hauj lwm.

Thov nco ntsoov tiv tauj peb yog hais tias koj muaj lus nug txog dabtsi thiab pab hais kom koj tus menyuam siv sij hawm li ib ob xuab moo ntawm ib hnuv los saib lawv cov ntaub ntawv lawv kawm. Tej yam no kuj yog xws li kos duab thiab tawm mus dhia ua si kom lawv lub cev muaj zog nraum zoov.

Peb npaj ntsoov yuav tos txais peb cov menyuam rov qab tuaj kawm ntawv thaum April 6. Hos lub sij hawm tam sim no, ces thov kom txhua tus tsis txhob ntsib kev phom sij thiab kom sawv daws nyob nrog nraim lawv tsev neeg,

Ua Tsaug,

Jamil Payton thiab Gao Xiong
Hmong International Tus Thaj Khu thiab Loo Thaj Khu